

訓導調監關中書院兼署咸寧縣教諭又主滿城緝譯書院保舉知縣道光四年授河南林縣知縣九思學醇而性和訓士有方凡不率教者皆薰德而爲善良焉家居多年教授生徒及之官員笈從遊者所在皆有林縣在太行山中風氣淳質九思與民休息不煩不擾修文廟創書院案無留牘數月卽有清慎勤之頌時鄉村有妖獸爲民祟九思爲文禱於城隍神妖害遂除道光六年秋河北各縣蝗獨不入林縣境林與武安連界武安蝗最多大府檄九思協捕甫至境大雨滂沛蝗皆淹没人咸謂天彰賢令俾武安人獲福云是年秋大熟嘉禾同穎幕賓力贊呈報九思

大荔縣志卷十二

耆舊傳上

三五

不可次年麥又兩歧同僚謂連年異瑞應以上聞臺省下檄嘉獎九思自以爲愧甚是年冬引疾還里家居十餘年卒

胡照來字自堂諸生中漢村人幼負異材下筆不作凡近語效先以遠大期之而照來顧好爲古文其視功令文蔑如也遊漢南張連登之門所學益進又以經術見許於岳一山舍人舍人主講關中書院照來負笈從之二先生歿心喪三年如古禮並立神主於家朔望拜先聖賢畢並拜之其尊師重道如此照來不騰口說專務躬行嘗闢地村西築園名之曰顧思講學其中四方來學者皆勉以經

術而考其行行不修者擯之一時儒風大振咸以不登胡先生門爲恥云

董述遇字樂餘諸生幼不喜爲功令文好小學研討六書訓詁字畫更正無少訛所讀經書古文多手鈔子若孫等珍守之著有尺牘釋字音切六卷入藝文志

席興奎賈湖北嘉慶中教匪亂奎爲鄉勇善用柵以柵刺教匪於馬後爲賊誘殺之

馬振玉字潤堂嘉慶三年軍需報効授知縣分發山東署夏津縣知縣登州府知府補蓬萊縣知縣以獲巨盜升平度州知州涖任時值大旱振玉步禱於城北十二里之雲

大荔縣志卷十二

耆舊傳上

三五

臺觀城東十五里之聖水池期三日大雨果應州人歡呼以爲神先是隣境數百里皆蝗平度亦蝻生遍野振玉下車卽設法捕之至是雨降而蝻死轉歉爲豐州東有金華山水南下轉東入河歲久渠淤山水暴漲隄不能禦散流田間有奸民呈請宜順水勢導之南流不必轉東振玉單騎相度得奸民嫁害之意因濬舊渠築新堰俾水不爲害而諭奸民如法南鄉田廬保全無算平度俗健訟棍與蠹胥相勾一案率牽數十人供詞狡譎前任官往往不能斷積案可數尺許振玉每日五鼓升堂夜分始罷清積案數百件摘奸發覆三月後遂無訟者以其暇課農桑修書

院百廢具興夜不閉戶治平度三年治行舉山東第一州境荷花咸開並蒂人以爲循政所感謠之曰已種蓬萊滿縣花膠東豈第頌千家隴頭麥秀雙歧穗池上荷開並蒂華紀其實也以父憂去服闋補山西吉州知州攝襄陵鄉宦曲沃太平各縣並渾源州絳州及平陽府同知推升河東監掣同知丁母憂服闋攝遼州知州旋補監掣同知推升貴州思州府知府抵任未久卒於官振玉明察慈惠所至有聲每御篆士庶數千人攀轅遮道留之不得則爲歌詩頌之其治絳州僅三月而人頌之曰絳之城今有神明秦鑑高懸燭下情愛民如子視如傷功疑惟重罪惟輕一

大荔縣志卷十二

耆舊傳上

三

段慈祥在中橫片言不費獄訟平皎潔還如玉壺清橋梁惠鮮及蒼生遠邇往來俱震驚人人矢口歌至誠

李居簡字惺馭與弟行簡孳生俱好學刻苦自勵後居簡以萬曆辛卯舉人任四川保寧府推官陞山東濟南府同知有政聲羅洪先爲書其匾曰清明在躬行簡由副貢任浙江嚴州府通判陞四川行都司經歷

補遺

馬穡土字相九號奚疑子父嗣煜以濟南通判殉崇禎十六年三月之難者也穡土年十三徒跣出潼關迎其父柩擗踊氣絕見者無不下泣葬後廬墓茹素三年不見齒鄉里稱之曰父忠子孝古人所罕馬氏自文莊公以來世富

盛至是中落穡土孤苦無依惟與幼弟稚士影相弔而奮志讀書以父爲馮少墟高弟家學不可墜也鑽研理窟刻意躬行與黨湛王四服張珥王宏撰李因篤等相切劘者四十餘年四方之志於正學咸歸之康熙中蓋屋李中孚倡反身改過之說與穡土宗旨合穡土與耆儒李士瓚白煥采議敦請中孚至同會講於廣成觀中孚年甫四十以穡土齒長不敢當弟子禮穡土白髮婆婆卒就北面時人以爲難中孚所著反身錄學髓等書穡土皆序而刻之中孚寄書曰大道無窮吾子能竟聖學忌雜吾子能醇維持世風主張名教非吾子其誰與歸穡土以順治初補博士

大荔縣志卷十二

耆舊傳上

三

弟子員食廩餼康熙三十二年貢成均四十八年卒年八十道光二十六年入祀鄉賢祠所著有卷石齋語錄二卷白樓存草六卷入藝文志

補遺

大荔縣志卷十三

耆舊傳下

孝友

唐

王隴德馮翊人王藏仁蒼頭也藏仁父母先未合葬既而從役物故其妻孀居旁無親族隴德迎致其屍并其父母而葬之因廬其墓次負土成墳每有白雉飛鳴墳上

明

侯智同州人天順間親歿結茅墓側朝夕泣修香火烏鬼馴集或以聞州使君錢某弗信後大雪三日錢屏騶從夜

大荔縣志卷十三

耆舊傳下

一

往視之見寒燈炯炯智衰經誦經其中於是始嘆服為白監司奏旌其間

党淵同州人家貧善事父母父歿不食者三日畢力襄事飲水飯糲至終喪母素事績紉淵恐其勞常匿紡車慰止母終持喪哀苦每晨必焚香泣拜墓下鄉黨咸稱其孝

楊禮同州庠生親老告侍養生事寢膳極敬謹沒持喪以禮三年不甘味常有鶴栖庭樹人謂孝感云

王廣同州人事母至孝母歿家貧不克殮鬻子市棺以葬雷鳳至同州庠生蚤失母父四娶鳳至皆善事之父故負土為墳廬墓左終喪

楊天瑞同州人兄弟四人皆孝友父嘗為毒蟲所螫氣欲絕瑞聞奔抱亟吮其螫處頃之甦弟天輔病危瑞禱於神曰弟善事親尚無子願以身代其他行類此四世數百指共爨無間言

趙汝珪字伯温同州人父以功曹為故城縣幕老歸珪日親奉案食夜視寢夏為扇涼冬抱足煖之時為兒嬉以娛親家故不温而承歡奉食甚盛舉鄉飲賓不就年九十卒珪能書善談吐愛惜名行

張養中字亦中同州庠生為人醇篤質素尤孝友事大母與二親起居衣食疾病醫藥及凡可以悅心者無不力致

大荔縣志卷十三

耆舊傳下

二

愛諸弟事必任勞產不甚豐父嘗病痢危便溲轉側必親掖扶未嘗頃刻離一夕恍惚見朱衣神握手授藥曰憫汝過苦特令汝父蚤愈比昧爽病良已後遭父喪三載居外茹淡杖而後起母歿時隆冬永夜衣麻卧草號泣毀瘵甫襄事而卒人皆以死孝傷之事聞學使者表其門

雷汝現沈時泰俱萬曆時人親死廬墓以孝聞

馬自勉字伯懋同州人以明經歷國子助教神宗幸學賜錦衣一襲璽書進階已陞順天通判畢意興盡時弟自強在政府自勉若不知有貴介也者朝紳高其操自強薨疏乞解官扶輿歸蒲坂張文毅居首揆素兄事之力挽回朝

不從朝紳益服其敦倫歸惟研精內典訓子姓族里一本忠孝慈惠以身先之族人不能輸賦者爲代輸又行常平法周里人詣所解推甚衆以齒德延賓鄉社十餘年每出鶴髮童顏人爭睹以爲地仙云

馬慎字約甫同州人性仁孝喜施王父嘗病瘍重爾乞靈太和者三父年大耋時慎亦望七矣日依侍寢膳至坐銷股肉不少懈居喪三載內不入室外不入市於諸弟雅崇推讓絕口不及父宦橐凶年輒發倉收養孤貧輦米助有司煮賑值久雪除場野施粟以飼鳥雀嘗執盜粟者持金丐勿束詣吏磨金而賞之曰寧有懷金盜粟者里人皆呼

大荔縣志卷十三

音舊傳下

三

爲生佛萬歷中有司奏請潼關兵使者以尙義旌門後以子官贈易州知州

姚魯同州庠生父文煥以貢生歷淮安教授告歸崇禎七年流賊亂關中過州執其父索賞餉家貧不克遂賊賊虜而致之危肆凌迫魯痛父楚奔伏哀告願以身贖賊勿聽竟畢煥命魯抱屍號呼嚙血罵賊遂被害母張氏妻王氏聞魯父子遇害一時相對縊死時以爲忠孝節烈萃一門云

韓文煥同州人事繼母盡孝崇禎十三年饑饉煥常負米百里外歸奉親每旦如是途中自所食無美惡必裹一以

獻鄉黨稱之

劉金稍同州人崇禎中歲荒父母相繼亡金稍廬於墓三年

張伸太僕春少子方太僕殉節日伸方六月節孝翟淑人棄之兼程赴難伸得乳母撫養及長念親雙殉忠節父骨遠拋朝夕悲泣至

國朝康熙三年伸請出關覓父骸准給引文俾至盛京遍訪無跡哀毀骨立復來京師諮詢得原葬人孫大於索大臣家年已八十偕往蓮花寺啟得父骸伸悲喜倏集遂負骸歸先日同之洛水崩溢浸程淑人墓家人議移葬至

大荔縣志卷十三

音舊傳下

四

是太僕柩適歸因合葬之

國朝

黨湛字子澄同州人好學安貧性至孝父患癩疾家人莫敢近湛獨晨夕侍側父歿廬墓三年人稱其孝晚年屏居古窟中靜修有得每同志講集輒娓娓不倦年八十嬰鑠如少年嘗步訪李中孚於盤匡留止浹旬商証所學至丙夜無倦容既歿西安郡丞郝某爲大書理學孝子之墓以表之

李秀芳字蘭如同州庠生性孝友巨細必謹事親有不豫色則長跪竟日俟笑語如常而後起父疾時秀芳年已六

十湯藥必先嘗侍寢夜不解衣及歿廬墓側披茅露宿雖嚴寒酷暑勿以爲苦也戚友非急務未嘗得啟其廬入衣食命家人供給稍精美輒叱勿食號泣之聲慟達四野三年歸設主中堂出入必跪告每飯則祭終其身不少懈焉楊月同州人兄弟三人月最少康熙三十年饑同民逃亡者半多有骨肉不能相顧月父老耄不能步履兩兄將避荒他之月不行日寧同父填溝壑不忍離也兩兄竟亡去會賑濟按日計口給糧月且且負父詣領往來百里許勿億以此父子得全活一日月領糧歸中途拾尸軍田某遺金數十兩或幸曰楊孝子得此可以供父矣月遽曰我有

大荔縣志卷十三

音舊傳下

五

父人獨無父耶竟訪原主還之論者謂當大饑饉而不昧拾遺如月者孝與義兩可風矣

成人彥同州人母沒廬墓三年刺史旌之又雷隆者親亡亦廬墓三年又李偕亦廬墓三年

王用大荔人幼力田戒殺持齋父病久不愈用徒步禱於太白山巔求身代父母繼歿廬於墓者先後六年餘墳樹數十株皆手植自汲灌望之蔚然時人呼其廬曰王孝子洞

王興平世業農父母先後歿併葬廬於墓

郭全字忠宇大荔人給冠帶爲壽官自祖滿至全四世又

孫曾三世男女七十二口同居無間言入庠者四人學使者旌之全年八十四

周繼康農家子前喪母後喪父兩次廬墓郡守邑令俱給額旌之

李嗣宗國子生父歿廬墓三載官師表其門

魏晉中邑庠生事繼母以孝聞比歿廬墓三載朝夕哭奠聞者莫不感泣

張起元邑庠生性友愛異產兄嫂早逝起元哀姪無依俾與已同爨衣之食之數十年授室後姪已成立起元顧恤益深曰吾欲使吾兄嫂相安於地下耳里中有同父相尤

大荔縣志卷十三

音舊傳下

六

者皆聞而自愧

劉爾魁邑增生處伯仲間友愛終身性醇謹無鬻凌態尤工書年八十餘筆鋒犀利求者日踵其門

郝克超貢生其兄年九十克超保之如嬰兒事之如嚴父人謂有司馬溫公家教云

孫宏楚邑耆民嗣叔父鎬鎬寢疾醫言冀甘則生苦則死楚嘗之苦籲天號泣比卒哀毀骨立葬祭如生父人不知其爲嗣子

呂克端候銓府經歷與弟析居已十餘年弟窮貧克端不忍俾與已同炊歷二十年比歿葬祭無吝色

潘朝魯母病篤焚香禱祝願以身代比歿歸殯時冰雪在地哭泣顛天遂廬於墓閱三寒暑後其師歿亦爲廬墓三年乾隆三十九年楊學使給以衣頂并旌其門

曹鵬舉邑增生庶吉士如瑄之子也年十六父病京邸親侍湯藥每夜焚香願天願以身代及歿哀毀骨立葬祭遵家禮事大母與母皆以孝聞

宋遇鳳邑庠生宋斤長子母死事繼母張氏極孝生母喬氏生子來賓每懷妬遇鳳孝益篤撫幼弟成名及遇鳳歿喬氏每念及輒涕泣數日不食可知天下無不可化之親也

大荔縣志卷十三 音舊傳下

七

李茂木性至孝親歿每晨詣墓所號泣服闋後嘗出外業商遇歸必泣告於墓曰遊子歸矣

雪時亮少孤家貧爲人傭工以養母歲饑千里負米不避風雨

劉義化生數月父死河南不詳其處年十五六卽以尋父骨爲事徧歷河南州郡無所得泣謂人曰不得父骨不可爲人復往河南汜水訪覓號泣感動邑人邑侯憐之爲買地築疑塚立石表墓焉每歲春必親往拜掃至死後已生平遇人言孝友事則泣然泣下里中或相戒曰劉老到勿言孝雖婦人孺子皆深信服之

楊必信家貧賣水養親或勸之賈信曰離膝下而營利不忍爲也親有疾至嘗糞以驗生平貧而樂施村人或窘甚信欲與之金恐不受又恐復思償之也伺其人過時遺之使拾若未嘗爲已與之者曾拾金懸之市訪其主弗得盡易紙錢焚之義塚信有兄出外弗歸而義不先兄娶及親歿或欲從權乃泣曰天不絕楊氏後吾兄必歸屢以書召兄而兄竟不歸遂憂憤以死死之日付家產於親族待其兄爲父後云

楊久芝字公瑞監生出嗣叔父叔母性頗嚴芝承顏膝下無少忤後母久病芝日侍湯藥數十年無少懈母嘗語人

大荔縣志卷十三 音舊傳下

八

曰有嗣若此恐生子不是過也鄉人公舉其孝邑令旌之曰用勞不匱

梁綽庠生孝義兼優以父痰疾遂精岐黃術鄉黨稱德醫焉設義塾以曲成人子弟中有貧而好學者爲之治生娶妻賴以終業而成名者不少

王洗心庠生中立子也母惠氏歿廬墓三年每遇父母忌辰則號泣終日幾不欲生里人稱孝

王制業母卒廬墓三年猶不忍歸數月竟死墓傍

劉爾信字士惇者賓性孝友事兄爾魁如嚴父怡怡一堂終身無間言邑令贈之匾曰友恭無玷

李福元家極貧事父母菽水盡歡孺慕之誠數十年如一日年老無子百方爲弟壽元授室焉族黨俱稱之

胡正倫監生少孤事母至孝母病禱神願以身代又體母志以濟鄰里遇歲饑輒散粟麥爲貧民截納倉糧七十餘石或欲報之不受也

張秀民同州人五世同居其子姓士農商醫各有專業而無異財萬厯初監司給冠帶表其間

張九思九齡九疇九澤兄弟四人闔門百餘口七世同爨萬厯中題請旌表特賜敦睦里三字建坊

劉運惇大荔生員曾祖自德以勤儉起家事兄自明克謹

大荔縣志卷十三 耆舊傳下

九

四傳至運惇昆季十人友于彌篤孫曾繩衍七世同爨雍正十年蒙

恩旌表

劉斌惇九世同居陳君仰李茂林七世同居俱大荔人方

伯命給匾獎勵

劉世績邑增生父運惇時家有百口七世同居雍正七年

蒙

恩旌表建坊乾隆元年又蒙

御賜敦本厚俗四字迄今子孫繁衍內外一百五十七口每月朔世績囑曰昔張公藝九世同居書忍字以進今吾

家孝友相承當以敬字爲主諸子孫唯唯月終課其職耕者讀者咸井井無弗規後綿歷十三世同居有劉氏家規一冊行世

李敬義孝友傳家有仁讓風子孫繁衍內外百餘口綿延六世共爨一門年饑捐粟自康熙六十年迄今世世相承郡守邑令屢表其門

盧起瑞邑增生一門孝友七世同居以德行舉鄉飲介賓乾隆三十七年起瑞年八十餘蒙

賜粟帛

李朝恩候選州同七世同居一門雍睦乾隆五十年奉

大荔縣志卷十三 耆舊傳下

十

旨旌表建坊並在忠孝祠內題名

劉遜十世同居男女共一百七十餘口

扈士鈞耆民年九十歲一堂五世

王維先年八十六歲一堂五世

盧秀成親疾侍湯藥衣不解帶者年餘兄有漏症朝夕洗滌不嫌其污

白文杰未讀書而性孝友嘉慶九年十年歲大饑沿門乞食日必還家供母及弟如是者數年後抵耀州香山下耕田不逾月負米送家久而不懈每每號泣祝天願家中母弟平安

李亦翺家極貧孝事繼母母病癱廢翺居日夜不離負母上下沐面理髮雖至穢弗辭

秦念祖大壕營人父歿廬墓百日每日於百步外負土抔墓至今屹然

張長榮與兄長發友善妻與嫂不相容遂析居然與同爨無異飲食出入必偕夜舍妻子與兄同榻常爲兄滌溺器如是者二十餘年

席才秀監生能以色養凡遠近異味鮮果不供親不先嘗也親歿獻亦如之尤喜施濟嘉慶九年十一年大荒才秀於里散銀粟賴以存活者百十人知縣給匾曰樂善好施

大荔縣志卷十三 耆舊傳下

十一

後家貧有舉子將北上乞借貲才秀以地質人得銀十兩予焉並不令舉子知

李榛監生性純孝因親老不遠遊當暑日昏必執羽扇爲母驅蚊扇枕席或不暇則命子及孫先扇焉母慮其勞戒勿扇榛視母睡熟徐徐扇之至雞鳴而止數十年以爲常鄉人咸師事之

馬在涇字和亭平原坊人九齡失恃哀毀如成人繼母性嚴委曲事之能得歡心叔伯負債五千金各不能償食指三十有餘口家計又迫在涇一身任之竭力服賈漸清逋負而一家亦不至飢寒

張乃榕平原坊人父歿廬墓負土成墳三年不衣皮服鄭樹仁鄭家溝人幼失怙恃鞠於祖母之手祖母沒葬後廬於墓側日擔土數簣累墓上三年服闋猶不肯歸且居心長厚彼時家道尙裕凡祖父所遺券一概焚之後溫宗師給以匾曰孝傳問里弟樹廉亦敦弟道事兄如嚴父寢食與俱兄歿哀毀備至每食必獻寢則置床於棺側周葺無少間至今人豔稱之

李光遠父早卒事伯父仲父如其父母老病癱光遠恐婦等待奉情乃手煎湯藥供飲食惟謹雖溺器必親滌之數年母卒葬如禮光遠年已五十餘矣發憤讀書屢試童子

大荔縣志卷十三 耆舊傳下

十二

不售因設義學於家訓里中子弟二十餘年薰其德者無不孝初光遠讀書金塔寺時拾金五十兩訪其人還之又爲人貸王某金二百其人不能償卽計子母以已金償王某王某知其故堅不肯受並毀其券曰此金已久還也光遠正色曰我豈以二百金作昧心人耶卒償之王某以是奇光遠遍稱於里人人共嘖嘖稱今之古人云光遠享壽八十餘終

論曰東漢重薦辟故士必砥節礪行以邀名譽往往至大官范史所載大概詐善者多蓋爲利祿然也若光遠者欲青一衿而不能其非爲利祿明矣朱子謂義行爲仁之見

端有子曰孝弟爲仁之本豈不信與

張俊義字子顯諸生西坊村人父嘗病目失明俊義求醫治之不獲愈乃禱于天願父目復明禱之數年一夕夢神告之曰山西趙伊鎮有魏繼先者善醫目汝知之乎俊義卽訪趙伊鎮奉父而往果得魏一針而雙目皆明人以爲至孝感神云

李含德諸生西小坡人烈孝廉行杖之六世孫也生有異質手左胼右無指惟大指半具形似僅能執筆而竟以善書名人稱沒手先生家極貧以菽水不給爲親遠遊有高貲者慕其樸誠而有幹畧以事托之豐其館穀含德計得值可供親卽辭去曰吾非可以厚利羈也親歿廬墓三年終其身不衣裘帛以親在嘗思裘帛不遂故畢世省約以自贖然濟困周急又非吝於財者所能

姚柄東漢村人胞兄自十二歲以貧出外至安口審經營生理積財約兩千餘出貸生息年周甲不作歸家想柄憫其老帶銀二百兩往迎之兄以積券未償不肯歸柄私取賬本與貸券焚之以絕其望兄大加嗔呵旣已無可如何而歸計始決柄因將兄所欠人者出帖曉告限一月交還一時負債者感其盛德收債者亦喜其慷慨攜牛酒餽者約二百餘人歸途小心奉侍每旅舍逼窄兄臥車內而柄

大荔縣志卷十三

音舊傳下

十三

露宿焉

周嘉增字倫篤周家堡人事繼母趙以孝聞母沒貧無葬地停柩三年朝夕哭奠如一日有五弟皆趙出嘉賓最少爲諸生尤其困苦艱難所成就者

董學貴馮村人幼貧失恃異母兄學昌撫之嚴而有恩食嫂乳者數年長賈粵東家遂富遇元旦及兄嫂生辰必向西北設饌叩拜每數年一歸以兄嫂年老眠食不離左右趣之再四始入已室一日飲酒稍醉兄怒不食學貴跪兄前受鞭扑戚友咸爲之請俟兄怒解然後起時年已五十餘矣兄嫂疾靡蠅嘗藥勤逾子姪一切含歛之具皆竭力營辦兄嫂歿數十年偶一言及嘗嗚咽流涕不置

大荔縣志卷十三

音舊傳下

十四

常清長安屯人諸生親在以孝聞親歿後廬墓六載遠邇咸呼爲孝子知府張匾其門曰克敦庸行

張文禮嘗悲其父歿於小金川骨未歸年二十六徒步往尋至大金川遇成縣袁某指引父墓始得遺骨於安羅棧深山中從此負父骨穿礪樓過灌縣通歷險阻出入蠻夷之地走數萬里乃獲歸葬後以軍功議叙五品都司銜周繼舜長安屯人事父母定省問視無少間母歿將葬臨壙哭泣幾死族人勸之歸弗應遂廬於墓側朝夕供獻如生時拾遠近瓦礫累墓成大塚夜深有狼至墓前依聲

擾天明乃去後每夜狼輒至久之天明亦不去如作伴然
父逝亦如之咸稱爲孝子墳墳在城東門外至今墓上磚
塊猶存

劉元鼎其父客死雲南信至卽往奔喪計里六千餘携銀
二兩錢三百戚友共難之竟毅然去至則典身取值卽於
本年之冬負父尸以歸歸至成都囊無一錢哭於市時有
周之者人以爲孝感云先是元鼎服賈河南方欲辭業往
尋父及抵家而其父之凶問卽於是日至此中固有天意
歟子宗實道光十九年舉人

大荔縣志卷十三

耆舊傳下

十五

陳功元字德潛平原坊人世業農父早卒事母至孝母以
多病素食功元以母故終身不御酒肉貧無車馬每負親
於十數里外觀演劇母歿三年未嘗見齒云

李志浩父早逝事孀母吳氏得歡心夜必問寢食必視膳
家極貧而供母必豐潔母病衣不解帶十餘日母沒後每
遇親朋言母之貞節輒流涕

李中選王馬村人事親能孝不見卽呼夜寢依依不離及
母病抱母便溺八十餘日親歿卧常依柩三年不茹葷二
年不薙髮遠近皆知之

劉于林字翰伯諸生家不甚豐而好敦古處猶子天培無
立錐地于林分以財產與其子均卒年九十五歲

劉守世五世同堂督學使者金給熙朝人瑞匾

董學義州同五世同堂邑侯鮑旌其門曰德綿純嘏

秦謙益太學生忠厚傳家子廷賓孫瑞麟曾孫榮祖元孫

關俱諸生五世一堂乾隆年間布政使給匾曰盛世休徵

王翰文今十一世同爨

王本貴本榮本華堂兄弟三人皆年近九旬自始祖諸生

應運延及子若孫曾孫等凡七世同居家口幾四十八無

間言邑人以三壽作朋稱譽之

王聘三齋奏廳自高祖貽封通奉大夫鄉飲賓伯朝至其

孫豐玉等七世同爨門以內融融洩洩雖家計維艱內外

大荔縣志卷十三

耆舊傳下

十六

整肅粗衣糲食數十口無閒言家規之善鄉里咸推爲第
一

張積財 勅封儒林郎本支百餘口五世一堂年九十餘

無疾而逝

楊繼起年九十二歲五世同堂

高永德年八十六歲一堂五世道光十六年同州府給匾

額旌之

張兆麟自曾祖承旭及孫全印六世同爨四十餘人里黨

中咸稱家規之善

劉天祥監生鄉飲介賓性厚行端壽九十四食指繁多五

世同堂未嘗分異邑侯鮑給匾嘉之

周克倫自八世祖光普至十七世元孫新正十世同居食指六十餘口內外男婦咸守家規現在四世同堂

孫彩元自遠祖爵凡十一世同居食指繁多家道熾昌每歲出粟濟貧知府與儒學教官各有匾額獎美

伍繼華年一百零六歲 欽賜七品頂帶五世同堂縣令加獎熙朝人瑞四字

大荔縣志卷十三

耆舊傳下

七

義行

漢

少公臨晉人嘗脫郭解於厄吏人逐之跡且至籍少公少公自殺滅口見游俠列傳

明

睦祥祖浩永樂間商於汴拾客百金還之至祥起家益富與兩弟皆以好義聞

董暹王英王珩董榮董景岩五人者皆富而好禮正統六年關中饑詔民輸粟助賑五人各輸粟千石勅命獎勞之雷約天順四年饑輸粟六百石與子霑俱給冠帶錢守茂

大荔縣志卷十三

耆舊傳下

一

律為立石

姚璘單祥皆以農業起家尙義好施成化辛丑各奉檄輦粟餉邊授散官旌義甲辰歲大禮復奉檄捐助賑貸鄉人稱之璘壽九十六祥孫楨亦以孝義稱於鄉

于寔嘉靖十一年荒出雜糧千石為賑兩臺下檄旌之又王舜臣亦輸粟二百石

馬從朱以舉人歷知黃縣有惠聲幼聘按察使張思靜女女以患痘瞽雙目父母欲另聘女家亦許朱以瞽在聘後誓不肯悔娶後復相敬如賓一時稱義生二子俱列膠庠李三景崇禎末年歲屢饑三景捐棺瘞暴骨購米麥贍族

濟人焚券市義訓俗型方人皆化之二子永蔚永蕃蕃庠生孫密枝俱性好義不墮家訓云

國朝

張養柱少孤以經商起家性慈愷好施嘗至孟津將渡見覆舟者立捐金五十招夫赴救賴活者三十二人同行山右孤客病死遺銀七百餘兩人勿知也柱爲之棺殮寄書其子羈候月餘至以原銀付之在安定買布夜被竊視之乃店主妻姪柱隱勿言且憐而賜之銀其人後竟改行成立聞者稱之年九十飲於鄉子孫繁衍

懋永豐康熙三十年饑豐糶穀二百餘石散賑又捐米百

大荔縣志卷十三

善傳下

二

石施粥養族老撫族孤捐金買地奠章馱寺無主寄骸十餘棺遂施其地爲義塚焉子繼芳貢生亦繼志好施

李碩枝貢生康熙三十年饑碩枝施麥穀二百餘石六十年饑復施麥二百石鄉人誦之

張汝恂康熙六十年荒村人乏食恂散粟百餘石銀五十兩衆賴存活自是每歲終輒散粟數十石開歲復爾如是者終其身卒年七十一

楊元生生員性好施與康熙六十年饑出粟百餘石銀五十兩以賑雍正十年又出粟七十石銀三十兩貧人賴之李鶴邑增生學行兼優力敦古處邑令建申明亭推爲善

人素工書墨跡存者人爭寶之

李客廣東鹽大使菁莪父也嘗拾遺金訪主還之金主欲給匾客以父已有拾金不昧字匾堅辭不受蓋不欲人知人亦竟無知之者

郭維會邑廩生孝友性成醇謹行篤闔邑推爲善人邑令旌其名於申明亭

孫振通監生邑令聞其矩步方行推爲善人登其名於申明亭後子梓任涪川令諸子孫亦聯列膠庠人以爲積德之報云

區重光者民性慈愷好施年六十以德行舉於鄉乾隆十

大荔縣志卷十三

善傳下

三

三年饑光指困濟乏衆賴存活乾隆二十七年

恩賜絹棉米肉卒年九十餘

郗宏中倉正經理倉貯六年有貧不能自輸者中捐粟代納後以年高德邵舉鄉飲耆賓

李炳廩生大年之父孝友純篤樂善好施凡廟宇傾頽鳩工脩理

馬天耀者民邑令建申明亭旌爲善人

任耀先監生每遇年饑慷慨捐粟鄉里感之官師俱表其門

王乙甲監生嘗慕義焚券歲饑捐粟濟乏邑令給匾以旌

之

孫述曾仗義疎財時有借金未償者三百餘兩悉焚其券田餘琢候銓州同其閭里中有貧窶者多方周助迄今族黨咸德之

楊嗣強積德仗義值年荒出粟賑窮邑令旌其門曰澤洽閭里

楊廷梓邑庠生屢捐粟濟困邑令給額旌之年六十餘舉鄉飲介賓

淡明志邑監生以德行舉鄉飲介賓友愛伯仲有妻被風捐粟濟貧邑令旌其名於申明亭

大荔縣志卷十三 耆舊傳下

四

李光宁邑生員性慈愷里中貧不能讀者設義塾以董之師儒薦舉行優郡守給額表其門邑令旌名於申明亭

王枝茂監生醇朴端方值年饑屢指困濟貧子二長大綸庠生邑令選擢行優鄉飲舉介賓次大統歲貢生學粹行篤設義塾友教四方列膠庠者百餘人鄉飲舉大賓

張明文耆民曾拾遺金數斤訪其主還之乾隆三十六年饑捐粟濟眾次年

恩賜絹棉米肉

黃義堂乾隆十三年施粟二十石邑令給匾旌之

張鑑耆民乾隆十三年施粟三十石邑令給匾旌之

張鑑生平樂善好施乾隆二十四年焚券數百金人以爲有馮瑗風焉

李君顯監生自康熙六十年至今遇年荒屢捐粟濟貧郡守邑令各給匾以表之鄉飲舉介賓子二長鎮岐庠生次甸寧已丑武進士

李盛宗監生每捐粟活眾邑令表其門嘗有糴粟者宗憫其貧埋金於粟以周之

鄒宏毅增生敦行篤學年饑輒捐粟六十餘石以德行舉鄉飲介賓

張相生員嘗拾金不昧周人之急邑令給匾以旌之

大荔縣志卷十三 耆舊傳下

五

田仕貴耆民嘗於河南途中拾涇陽龐姓銀三百餘兩踰三日金主至貴盡給之無難色其生平慷慨大率類此

李攀福以子 贈修職郎爲人尙義康熙辛丑散穀八十餘石助賑州牧給匾旌之弟攀法鄉飲耆賓乾隆丁卯輸

穀一百餘石子君培候選縣丞乾隆壬午輸糜子一百餘石子作舟生員乾隆辛卯散錢一百二十餘千帮賑歷經

府縣學俱有匾額獎賞鄉人亦世沐其惠

趙崇閭同妻呼氏夫妻相助爲善邑令有一門雙善之旌後其子天眷賣田飼窮夫妻子母罔非善士

李繩武好施予遇歲饑出麥一百二十石濟貧邑令給匾

表之後以齒德舉鄉飲耆賓其姪監生應龍全才各出粟
贍窮人以爲世濟其美云

楊殿璣廩生素清貧以館穀爲活計力學善教遇歉卽分
脩金濟貧

雷鳴尙耆民出粟賑貧邑令給匾旌之

楊璣嘗道拾百餘金訪其主還之康熙六十一年歲饑族

黨議逃璣出米數十石使度歲卒獲安居後州牧舉爲鄉

飲正賓

楊璣璣之弟也佐兄志以穀八十石濟貧郡守邑令各給
匾以表其門

大荔縣志卷十三 耆舊傳下

六

樊繼芳字守先邑貢生歲饑施米百石煮粥濟貧本縣立
社倉捐穀八十石修豐登書院捐銀五十兩延爲鄉飲大
賓歷三郡尊各給匾旌之子世沛字天泉候選縣丞老成
持重爲人排難解紛克繼先人遺範次子世瀚字溥泉歲
進士年八十越三千里赴甘州訓導任冀勉 贈其親上
憲嘉其孺慕甚篤許焉旋告歸回籍悉焚祖父所遺貧家
借券卒年八十三

李茂錫字象白太學生幼讀書家寒從兄茂策商賈頗裕
所居庄堡年久圯毀以已貲築砌之急者必給無吝容姊
適楊早寡錫盡弟誼撫甥若己子後艱嗣與兄共一姪隆

師課學平生借券甚多不往索取年七十卒間黨至今德
之

李蘭字馨庭與胞弟芝堂弟芳幼失怙恃三人相友愛蘭
尤寬厚犯而不校毫無怨心好成人美費貲不惜也遇荒
歉周卹里黨中年失偶不復議娶年幾九十耳目聰明人
推福德邑令徵爲鄉飲大賓

王念祖性最樸真父夢麟邑名士從學最夥念祖同課讀
書過二百遍方能背誦年三十餘始入泮教授鄉中從無
伎求他家有書必借觀手錄著桐葉集前後編藏家年九
十三無疾而逝咸尊爲德壽先生

大荔縣志卷十三 耆舊傳下

七

盧元清字澄齋賦性勤儉治家謹嚴於親族窮乏無不周
恤乾隆元年邑令出城適元清挾莠歸家詢其勤敏相與
言田家耕耘之法謂曰吾邑得汝農夫皆有師矣卽日回
署旌曰勤儉人家遇凶歲常出粟數石賑鄰里邑令又以
領囊解困匾旌之暨長子璽次子印俱有父風

董殿陞由武生捐千總職三十七年出粟百石濟貧里人
欲具呈請旌固辭事遂寢

李崇祥貢生性儻好施凡本縣修寺建學每捐金以助
當事屢給匾額

孫貴耆賓以孫梓 贈文林郎康熙六十年大饑捐麥穀

賑濟所居河南北兩村乾隆十三年又饑復出麥穀數十石全活甚眾郡守立惠洽粉榆碑旌之府城南駐家渡兩華要路盛暑施茶建舍其子監生振邦振光爲久遠計施地十餘畝又設義學命其孫若曾生員介賓柱廩生枝增生繼祖等爲師教里中貧子弟讀書尤難者洛水漲溢數十里設船傾覆有馬姓者墮水幾不得生人皆觀望莫敢救貴奮然曰人命旦夕更何待耶遂躍而拯之至今子孫饋問不絕族有喪葬莫辦必爲給衣棺施地畝埋焉而後卽安凡修造公事慨捐不吝年八十卒於鄉

張琳生員鄉飲介賓弟璉生員性俱醇謹仗義疏財甥馬

大荔縣志卷十三

耆舊傳下

八

步霄三歲失怙賴兩舅撫育稍長送學攻書爲之婚娶入泮後纔令還家人皆稱義今一堂四世並享天倫之樂邢秉恕尙義樂施乾隆十二三年歲饑捐穀一百石助賑同時與州同王月映貢生杜紹祖生員穆應龍王格監生劉復蛟于擴基李應龍董之吉党恢先于炳炎杜翰于丕基周世培王錫爵李杰鄭學元張均楊寶及耆民王君喜武詠興康善慶趙錦馮彩武錫鄭之賢武利等共勸善舉俱捐穀百石以上

吳樹棟後更名軫好施藥活人不受酬乾隆十二年歲饑出粟賑荒邑令旌其門曰太邱之風十七年預鄉飲大典

壽七旬有六

田大豐字子登好善樂施乾隆二十三年膺倉正適歲饑出已粟數石不足復爲本身領借賑之及倉正告滿更於累年具領舊欠貧不能給者二百三十餘石盡輸已粟隨卽焚券略無德色邑令以恩蘇潤輟旌之

吳伯昆字宗周貢生儀觀丰偉性行剛直好義樂施遇貧不能婚娶理者卽通財無吝色建豐登書院出銀三十兩助工設義學延師教里中貧乏子弟乾隆三十年冬荒散麥六十餘石辛卯春嚴霜殺麥捐銀百兩賑卹村民又在縣施粥賑濟終年焚數百金貸券囑其子貢生廷琇曰

大荔縣志卷十三

耆舊傳下

九

善無窮盡惟捨棺贈娶尤宜加意壽六旬有六以仁風義行著於鄉

梁作棟增生與從弟廷棟殿棟友愛情深每遇荒年累有周恤村鄰無不稱其德若有貧不能辦婚葬者屢行周濟今遺子孫五十餘人

陶君賜監生遇荒歲出粟濟急施義塚二畝三分邑令題其門曰仁及幽骸子監生繼貞繼父志又施義塚四畝王時熙貢生慷慨有義氣嘗截里糧二百餘兩里人有欲典庄他適者熙給金六十餘兩至今安居如故

張若顏字賢之居平良里康熙年間耆賓也祖從祥父景

鳳叔景仰俱以善良著因臨通衢設義漿以濟行人顏與弟若思若與承先德終身命後世遵守子姪雲程錦斌漢鵬飛六人孫大蘊聲科及庠生大力等八人曾孫汝琳濟庠生兆熊等十二人元孫楫棟梅楫四人依然式好已同居七世食指百餘耕讀爲業遇荒歉周恤貧家每年所設義漿命一人司其事未嘗一日廢焉

朱應彩字曜寰者賓好施與緩急鄉村息爭解紛年七十卒子宏照世承父德爲邑貢生年五十三卒人稱賢喬梓宋效君鄉飲者賓邑令以德茂井里表其門祖應煒父榮宗叔福宗友愛久著善良迨效君兄弟五人已爲之長衣

大荔縣志卷十三 耆舊傳下

十

食取其惡做事務任其艱難諸弟從化學之既而子孫衆多男女數十一人有病闔家環視愈而始釋里中先達書其庭曰致和堂昆季俱年七八十歲而壽終今孫臺已歷七世同居共爨雍睦之風毫無間言皆歸本效宗設教倡率之也

王服錦好義樂施族人健歿二幼子無所依錦力任撫養不殊已出堂弟服古蕩產業幾難存活錦給衣食終其身子化行亦有父風

黃順昌監生忠厚樂施每歲饑輒出粟賑鄉里又特出麥二十石擇里中老成者掌其出入永爲一鄉緩急之計

曹二南武生截納貧民常平倉糧三十餘石邑令給匾曰分與可嘉

李克岑拾任姓金六十餘兩還之有匾

李葉著拾王姓金二十餘兩并鹽引一張還之有匾

梁四修拾蒲城人金二十五兩還之有匾

賈耀廷拾金不昧有匾

崔爾廣荒歲施麥三十石以濟鄰里

雷兆清荒歲施穀五十石族里賴以生活

李璵字瑞玉樂善好施戊辰歲饑出困濟貧壬申又饑賑

亦如之瑞玉卒辛卯又饑妻王氏謂子賢彰等遵父志典

大荔縣志卷十三 耆舊傳下

十一

欽鐺以襄厥費其子出粟如初每歲當寒食日施濟不懈田爵鄉飲者賓富財好義歲饑村中賴以舉火者數十家有族姪克創出亡在外一十七年留妻女無依爵累歲接濟始終不衰值饑饉竊賊最多每夜必赴門前看顧後創回家報謝財物辭曰前此乃盡吾心力非圖酬也鄉人至今稱善年八十八卒弟泰性重然諾子克讓有父風爲族鄰助婚娶者十餘家人咸德之

王蓮芳鄉飲介賓有信義里中極難排解者蓮芳至輒據理平剖人皆服之

張得雲監生僑樂施每歲饑輒散穀數十石

劉宗漢監生乾隆三十六年歲饑捐穀三百零五石助賑
同時州同周世培貢生王宏文武舉于森于作棟監生李
鵬王錫琰趙連城王泮淡明志李全才田餘帶李銘師于
丕基劉魁元李爾璽張籍路世法黃順昌王良相李天才
王世元及耆民郝克純何昌選孫貴奇游庫董蔚宗徐元
盛屈泰張居第趙承建樊之亨趙承儒潘朝棟孫學純路
新琳崔爾度等俱捐穀一百石以上共勸善舉其餘捐穀
數十石及數石者甚多不及備載

以上錄舊志

陳起通劉官營人以戒食牛馬號陳居士多善行又號陳

大荔縣志卷十三

耆舊傳下

三

善人乾隆二十四年嘗以事詣華下道拾珍珠數百枚出
帖守待遺珠者以還實山西聞喜縣宋成允物也次年成
允賣牛酒匾額登門鳴報村人始知其事時陳氏同爨已
六十餘口後漸富且世有子孫列鬻序者

李文在增生嘗薄暮有蹇驢負囊入門視其囊則銀十一
封也卽語其子曰此人必墜騎失迷須急聲聞知緩則恐
以失金而害命者卽貼告通衢明日失主至乃朝邑下秦
村王兆祥以從驢後而歧途失迷者詢確出之原封猶未
敢也兆祥感泣聞於官官給以匾

張京兆監生南婆婆村人家僅中饒於貸金不能償者悉

焚其券嘉慶十年十一月疊荒皆出粟賑濟縣令給以匾
其孫教諭張希載能繼志遇荒年疊次出粟百餘石散給
隣里後悉焚其冊於本支祖塋捐祭田以供時祭之費又
能急公縣人有義舉多以身任之

王必茂監生南庄人每遇年荒賑饑戴德者衆馮翊西衢
淋雨壞道阻行人必茂施五百金脩治之今爲坦途下廟
渡有功德碑

王必慶必昇谷多村人兄弟皆好善有族子幼失怙恃同
心收撫之爲娶婦成家嘉慶十一年歲饑散粟捐金以濟
貧乏邑侯給以匾又以必慶齒德舉鄉飲耆賓後其子柄

大荔縣志卷十三

耆舊傳下

三

枋孫清彥曾孫穉倉遇荒年亦各有賑濟

孫兆義西長城村人訓導耀祖祖也性廉潔不苟取嘗告
糴於近里粟主知其貧潛以三十金納粟中及歸出粟見
金持金力却之由是粟主益加敬人亦以是多之

王膺哲平原坊人布政司經歷銜輕財樂施村南設義塾
元旦寒食每出粟給鄉里

張成文南七里村人候銓知縣邑有大工輒捐貲以倡身
董其事值歲凶前後捐賑不下數百兩又嘗捐本縣鄉試
卷價縣令王布政使常俱給以匾

姚登極東漢村人村有王姓父子出外無耗家留姑媳飢